



## **XALQ DEPUTATLARI YANGIARIQ TUMANI KENGASHI Q A R O R I**

**Yangiariq tumani, Mustaqillik ko'chasi, 74-uy, tuman kengashlar uyi telefon: (62)385-42-36, (62) 385-53-36**

2023 - yil 7 - yanvar

VI-85-1-12-179-K/23

Yangiariq tuman hokimligi

### **Yangiariq tumanining 2023-yilgi mahalliy budjetini tasdiqlash to'g'risida**

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, Budjet kodeksining 99-moddasi, xalq deputatlari Xorazm viloyat Kengashining 2023 yil 5 yanvardagi "2023 yil uchun Xorazm viloyati mahalliy budjetini tasdiqlash to'g'risida"gi VI-57-1-12-0-K/23-sonli qaroriga muvofiq hamda Xorazm viloyati hokimligining moliya bosh boshqarmasining 2022-yil 30-dekabrda 01-01-33-38//407-sonli xatini inobatga olib, xalq deputatlari Yangiariq tuman Kengashi

### **QAROR QILADI:**

1. Xalq deputatlari Xorazm viloyat kengashining 2023 yil 5 yanvardagi "2023 yil uchun Xorazm viloyati mahalliy budjetini tasdiqlash to'g'risida"gi qarori ijro va rahbarlik uchun qabul qilinsin.

2. Xalq deputatlari Xorazm viloyat kengashining 2023 yil 5 yanvardagi "2023 yil uchun Xorazm viloyati mahalliy budjetini tasdiqlash to'g'risida"gi qaroriga (keyingi o'rinlarda Qaror deb ataladi) muvofiq, Yangiariq tuman mahalliy budjetining 2023 yil uchun daromadlari 77,4 mlrd.so'm, xarajatlari 165,1 mlrd.so'm prognoz qilinganligi hamda respublika budjetidan ajratiladigan tartibga soluvchi budjetlararo transfertlar 87,7 mlrd.so'm miqdorida tasdiqlanganligi ma'lumot uchun qabul qilinsin.

3. 2023 yil uchun tuman mahalliy budjeti daromadlari prognozi 1-ilovaga muvofiq ma'lumot uchun qabul qilinsin.

4. 2023 yil uchun tuman mahalliy budjetidan hududiy budjet mablag'larini taqsimlovchilarga ajratiladigan mablag'larning cheklangan miqdorlari 2-ilovaga muvofiq tasdiqlansin.

5. 2023 yil uchun tuman mahalliy budjetiga umumdavlat soliqlaridan ajratmalar normativlari 3-ilovaga muvofiq tasdiqlansin.

6. 2023 yil uchun tuman mahalliy budjetining daromadlari va xarajatlarining prognozi 4-ilovaga muvofiq ma'lumot uchun qabul qilinsin.

7. 2023 yil uchun viloyat budjetidan tuman mahalliy budjetiga ajratiladigan tartibga soluvchi budjetlararo transfertlar miqdorlari 5-ilovaga muvofiq tasdiqlansin.

Bunda, tartibga soluvchi budjetlararo transfertlar miqdorini tuman va shahar mahalliy budjetlari daromadlari prognozi ijrosidan qat'iy nazar kamaytirishga yo'l qo'yilmasligi Qonunda

belgilab qo'yilganligi ma'lumot uchun qabul qilinsin.

8. 2023 yil uchun tuman mahalliy budjeti zaxira jamg'armasi hajmlari 1,6 mlrd.so'm miqdorida belgilansin.

Tuman mahalliy budjetining 2023 yil uchun zaxira jamg'armalari tegishli budjetlar tasdiqlangan umumiy xarajatlarining kamida (jamoatchilik fikri asosida shakllantirilgan tadbirlarni moliyalashtirishga yo'naltiriladigan mablag'dan tashqari) 1,0 foizi miqdorida shakllantirilsin.

9. 2023 yil uchun tuman mahalliy budjeti shaxsiy g'azna hisobvaraqlarida turgan budjet mablag'larining yo'l qo'yiladigan eng kam miqdori 6-ilovaga muvofiq belgilansin.

10. Yuridik shaxslar bo'yicha qishloq xo'jaligiga mo'ljallanmagan yer maydonlari uchun hududlar kesimida mutlaq miqdorga 1 gektarga belgilangan bazaviy soliq stavkalariga kiritilayotgan kamaytiruvchi va oshiruvchi koeffitsientlar 7-ilovaga muvofiq belgilansin.

11. Jismoniy shaxslar bo'yicha (dehqon xo'jaligini yuritish uchun berilgan va qishloq xo'jaligiga mo'ljallangan yerlardan tashqari) yer maydonlari uchun hududlar kesimida mutlaq miqdoriga 1 kv.m uchun belgilangan bazaviy soliq stavkalariga nisbatan kiritilayotgan kamaytiruvchi va oshiruvchi koeffitsientlar 8-ilovaga muvofiq belgilansin.

12. Yuridik shaxslarning mol-mulkiga solinadigan soliq bo'yicha 2023 yil uchun belgilangan minimal miqdorlar 9-ilovaga muvofiq belgilansin.

13. O'zbekiston Respublikasining mazkur Qonuni bilan 2023 yilda xalq deputatlari Kengashlarini mahalliy budjetlarni boshqarishda, xususan mahalliy budjet xarajatlarini hududiy budjet mablag'lari taqsimlovchilar kesimida tasdiqlash va ularning Kengash oldidagi hisobdorligini belgilash bo'yicha vakolatlari kengaytirilganligi inobatga olinsin.

Shuningdek, xalq deputatlari Xorazm viloyat Kengashining 2023 yil 5 yanvardagi "2023 yil uchun Xorazm viloyati mahalliy budjetini tasdiqlash to'g'risida"gi VI-57-1-12-0-K/23—sonli qaroriga muvofiq 2023 yilda quyidagi soliq turlari:

a) tuman budjetiga to'liq hajmda o'tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

jismoniy shaxslarga tegishli mol-mulkni ijaraga berishdan oladigan yillik daromadi to'g'risidagi deklaratsiyaga asosan to'laydigan, shuningdek yakka tartibdagi tadbirkorlar to'laydigan jismoniy shaxslardan olinadigan daromad solig'i;

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

qurilish materiallari bo'yicha yer qa'ridan foydalanganlik uchun soliq;

yuridik shaxslardan olinadigan yer solig'i;

yuridik shaxslarning mol-mulkiga solinadigan soliq;

benzinni, dizel yoqilg'isini va gazni yakuniy iste'molchilarga realizatsiya qilishdagi aksiz solig'i;

aylanmadan olinadigan soliq;

davlat aktivlarini foydalanishga (ijaraga) berishdan qonunchilikda belgilangan normativlar bo'yicha olingan daromadlar.

Mobil aloqa xizmatlari, tamaki va alkogol mahsulotlari, shu jumladan pivo uchun aksiz solig'i bo'yicha tushumlar tegishincha 2022 yil 1 iyul holatiga ko'ra tuman va shahar aholisining viloyat aholisidagi ulushiga muvofiq.

b) 3-ilovaga muvofiq quyidagi soliq turlari viloyat va tuman budjeti o'rtasida taqsimlanadi:

jismoniy shaxslardan olinadigan daromad solig'i.

14. O'zbekiston Respublikasi Prezidentining "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida" 2022 yil 25 oktabrdagi PQ-409-son qaroriga asosan 2023 moliya yilidan boshlab:

a) tashabbusli budjetlashtirish jarayonlari uchun tuman (shahar) budjetlarining 5 foizi miqdorida, biroq kamida 6 milliard so'm mablag' rejalashtirilganligi ma'lumot uchun qabul qilinsin.

15. Yangiariq tuman hokimining birinchi o'rinbosari (O.Saidov), Moliya bo'limi (A.Bekchanov), Davlat soliq inspeksiyasi (O.Abdullayev) mas'ul tashkilotlar bilan birgalikda:

tegishli budjetlarni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy budjeti prognoz ko'rsatkichlarni o'z vaqtida va samarali bajarish;

budjet mablag'laridan maqsadli va samarali foydalanish;

budjet intizomiga rioya etilishi ustidan nazorat va mas'uliyatni yanada kuchaytirish;

tegishli mahalliy budjetlarga soliqlar va boshqa majburiy to'lovlarning to'liq tushumini ta'minlash;

budjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

16. Davlat soliq inspeksiyasi (O.Abdullayev) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budjetga undirilishi ustidan soliq nazoratini kuchaytirishga;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rishga;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazishga;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratsinlar.

xatlov ishlarini samarali tashkil etish orqali yer va mol-mulk solig'ining soliq bazasini oshirish vazifasi yuklatilsin.

17. Davlat soliq inspeksiyasi (O.Abdullayev), Kadastr agentligi tuman bo'limi (Z.Kamolov) 2023 yildan boshlab yuridik shaxslar mol-mulk solig'ini hisoblashda ko'chmas mulklarga 1 kv.metr uchun minimal miqdorlar joriy etilganligidan kelib chiqib, viloyatda mavjud

soliq to'lovchilarning mol-mulkleri maydonlarini chuqur tahlil etgan holda ushbu mol-mulklerga nisbatan soliqlarni to'liq hisoblanishini ta'minlasin.

18. Davlat soliq inspeksiyasi (O.Abdullayev), tegishli mutasaddi tashkilotlar bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo'yicha xatlovlar o'tkazish;

xatlov natijalari bo'yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatish.

Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy budjetning qo'shimcha manbalari hisobidan "marksheydrlik" xizmatlaridan foydalanish lozimligi alohida belgilab qo'yilsin.

19. Majburiy ijro byurosi tuman bo'limi (M.Masharipov) Davlat soliq inspeksiyasi (O.Abdullaev) bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini budjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rish vazifasi yuklatilsin.

20. Mahalla va oilani qo'llab-quvvatlash bo'limi (X.Madaminov) jismoniy shaxslarning yer va mol-mulk soliqlari bo'yicha joriy hisoblangan soliqlarni hamda ushbu soliqlardan mavjud soliq qarzdorliklarini undirish yuzasidan soliq organlariga amaliy yordam ko'rsatsin.

21. Tuman hokimining birinchi o'rinbosari (O.Saidov) tegishli mutasaddi tashkilotlar bilan birgalikda:

bo'sh turgan davlat mulki ob'ektlarini aniqlash bo'yicha xatlov ishlarini samarali tashkil etish;

xatlov natijalariga ko'ra viloyatda mavjud bo'sh turgan davlat mulki ob'ektlari ro'yxatini shakllantirish;

shakllantirilgan ro'yxatga asosan bo'sh turgan davlat mulki ob'ektlarini ijaraga berish yoki sotish bo'yicha tegishli takliflar tayyorlash;

bo'sh turgan davlat mulki ob'ektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo'ljallangan bo'sh turgan davlat mulki ob'ektlarini «ye-ijro auktsion» mayonchasi orqali sotish ishlarini tashkillashtirish vazifasi yuklatilsin.

22. Tuman shahar hokimining birinchi o'rinbosari (O.Saidov) tegishli mutasaddi tashkilotlar bilan birgalikda tashqi reklama ob'ektlarini to'liq xatlovdan o'tkazgan holda, ushbu tashqi reklama ob'ektlari bo'yicha shartnomalar tuzish choralari ko'rsin hamda ushbu shartnomalar bo'yicha yig'implarni budjetga to'lanishi ustidan doimiy nazorat o'rnatish.

23. Irrigatsiya tizimi bo'limi (O.Ernazarov) va tuman soliq inspeksiyasi (O.Abdullayev) tuman hokimining qishloq va suv masalalari bo'yicha o'rinbosari bilan birgalikda tumanda sug'orishga sarflanayotgan suv hajmlari bo'yicha aniq hisob-kitoblarni yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budjetlarga to'liq undirib olish vazifasi yuklatilsin.

Bunda, qishoq xo‘jaligi korxonalari tomonidan iste‘mol qilinayotgan suv resurslari hajmlari va ushbu hajmlar bo‘yicha hisoblanayotgan suv soliqlari bo‘yicha doimiy tahlillar o‘tkazishga alohida e‘tibor qaratilsin.

24. Tuman moliya bo‘limi (A.Bekchanov):

budjet intizomiga qat‘iy rioya etilishi ustidan doimiy monitoring ishlari kuchaytirsin;

budjet intizomini buzish holatlari bo‘yicha har oy yakuni bilan Kengashga axborot kiritib borsin;

o‘tkazilgan nazorat tadbirlari yakuni bo‘yicha kamomad va noqonuniy o‘zlashtirishga yo‘l qo‘ygan soha rahbarlarining hisoboti xar chorakda eshitib borilsin.

25. Kengashning mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasi:

mahalliy budjetning qo‘shimcha manbalaridan foydalanish to‘g‘risidagi hokimlik tomonidan taqdim etilgan takliflari asosida budjet qonunchiligiga to‘liq rioya etilgan holda Kengash qaror loyihasini ishlab chiqilishiga;

Kengash qarori asosida mahalliy budjetning qo‘shimcha manbalari hisobidan ajratilgan mablag‘larni samarali va maqsadli foydalanishi ustidan nazorat o‘rnatishga va natijalari bo‘yicha tavsiyalar berishga monitoring qilishga;

Mahalliy budjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo‘naltirilishida ishtirok etadi va ushbu mablag‘larning maqsadli sarflanishi ustidan nazoratni amalga oshirishga mas‘ul etib belgilansin.

26. Tuman hokimligi:

tuman mahalliy budjeti jami xarajatlarining 5 foizi hamda shakllangan qo‘shimcha mablag‘larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun “Fuqarolar tashabbusi jamg‘armasi”ga yo‘naltirsin.

Bunda, tuman xalq deputatlari, tuman hokimligining yoshlar siyosati, ijtimoiy rivojlantirish va ma‘naviy-ma‘rifiy ishlar bo‘yicha o‘rinbosari, tuman hokimligi huzuridagi Jamoatchilik kengashlari hamda yangi joriy etilgan hokim yordamchilari budjet jarayonida fuqarolarning faol ishtirokini ta‘minlash maqsadida aholiga keng targ‘ibot-tashviqot ishlarini olib borishga mas‘ul etib belgilansin;

mahalliy budjetlarning qo‘shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta‘mirlash ishlari olib borilayotgan ob‘ektlar ro‘yxati, shuningdek qurilish-ta‘mirlash ishlarining moliyalashtirilishi to‘g‘risidagi ma‘lumotlar har chorak yakunlariga ko‘ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borilsin.

27. Tuman hokimining birinchi o‘rinbosari (O.Saidov), tegishli muassasa va tashkilotlar bilan birgalikda:

mahalliy budjet daromad va xarajatlarining prognoz ko‘rsatkichlari bajarilishi hamda soliq bazasini kengaytirish yuzasidan ko‘rilgan chora-tadbirlar;

ajratilgan budjet mablag‘laridan maqsadli va samarali foydalanishi yuzasidan erishilgan natijalar bo‘yicha Kengashga bir chorakda kamida bir marotaba hisobot kiritib borsin.

28. Tuman hokimligi Qonunda belgilangan ayrim soliqlar va to‘lov stavkalari, soliq solish tartiblari hamda boshqa ma‘lumotlarni ommaviy axborot vositalarida yoritilishini ta‘minlasin.

29. Mazkur qaror “Yangiariq ovozi” gazetasida rasmiy e’lon qilinsin hamda tuman hokimligining rasmiy veb-saytiga joylashtirilsin.

30. Ushbu qaror rasmiy e’lon qilingan kundan boshlab kuchga kiradi.

31. Mazkur qaror bajarilishini nazorat qilish xalq deputatlari Yangiariq tuman Kengashining Mahalliy budjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari doimiy komissiyasi va tuman hokimligi zimmasiga yuklatilsin.

**Халқ депутатлари Янгиариқ  
тумани Кенгаши раиси**



**А.Давлетов**

Xalq deputatlari Yangiariq tuman  
Kengashining  
2023 yil 7 yanvardagi  
VI-85-1-12-179-K/23-son qaroriga  
1-ilova

## 2023 YIL UChUN YaNGIARIQ TUMANI BO'YICHA

### MAHALLIY BUDJET DAROMADLARINING REJA KO'RSATKICHLARI

Daromad turlari		ming. so'm
1	Foyda solig'i	
2	Aylanmadan olinadigan soliq	6 809 000
3	Jismoniy shaxslardan olinadigan daromad solig'i	21 790 000
4	Jismoniy shaxslardan olinadigan daromad solig'i (ITD)	501 000
5	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	8 421 000
6	Yuridik shaxslarning mol-mulkiga solinadigan soliq	1 879 000
7	Jismoniy shaxslarning mol-mulkiga solinadigan soliq	3 434 000
8	Jismoniy shaxslardan olinadigan yer solig'i	5 334 000
	Yuridik shaxslar yer solig'i	7 264 000
9	Yer osti boyliklaridan foydalanganlik uchun soliq noruda	201 000
10	Suv resurslaridan foydalanganlik uchun soliq	2 114 000
11	Davlat boji	
12	Jarimalar	
13	Davlat unitar korxonalari dividend tushumlari	
14	Davlat mulki bo'yicha ijara to'lovlari	217 000
15	Yig'imlar	
<b>JAMI</b>		<b>57 964 000</b>
	<b>Mobil aloqa xizmati, tamaki va alkohol mahsulotlari, shu jumladan pivo uchun aksiz solig'i tushumlaridan tegishli ravishda o'tkazib beriladigan daromadlar</b>	<b>19 425 808</b>
1	Alkoholga aksiz solig'i (shu jumladan pivo)	7 858 735
2	Mobil aloqaga aksiz solig'i	3 370 940

3	Tamaki mahsuloti uchun aksiz solig'i	8 196 133
<b>JAMI DAROMAD</b>		<b>77 389 808</b>



Xalq deputatlari Yangiariq tuman  
Kengashining  
2023 yil 7 yanvardagi  
VI-85-1-12-179-K/23-son qaroriga  
2-ilova

**2023 yil uchun Yangiariq tumani budjetidan birinchi darajali budjet mablag'larini  
taqsimlovchilarga ajratiladigan parlament ajratmalarining cheklangan miqdorlari**

ming so'mda

Ko'rsatkichlar		Miqdori
	<b>XARAJATLAR-JAMI</b>	<b>165 138 551</b>
<b>1.</b>	<b>IJTIMOIIY SOHA VA AHOLINI IJTIMOIIY QO'LLAB-QUVVATLASHGA XARAJATLAR - JAMI</b>	<b>123 044 771</b>
	<i>shu jumladan:</i>	
1.1	Maorif	17 249 046
	- maktabgacha ta'lim	8 863 615
	- umumiy ta'lim	8 385 431
1.2	Sog'liqni saqlash	57 254 851
1.3	Tibbiy-ijtimoiy xizmatlar uchun xarajatlar	-
1.4	Madaniyat va sport, ommaviy axborot vositalari	4 223 701
	- madaniyat va ommaviy axborot vositalari	1 884 728
	- sport	2 338 973
1.5	Bolali oilalarga va kam ta'minlangan oilalarga nafaqalar va kompensatsiyalar	44 234 809
1.6	Ozodlikdan mahrum etish jazosini o'tab bo'lgan fuqarolarga «dastlabki ijtimoiy-moddiy yordam paketi»	18 400
1.7	Ijtimoiy ko'nikma markazlari	63 964
<b>2.</b>	<b>IQTISODIYO'TGA XARAJATLAR</b>	<b>14 688 623</b>
2.1	Fermerlar xo'jaliklari buxgalteriya markazlari	363 600
2.2	Obodonlashtirish	7 862 406
2.3	Ichki xo'jalik avtomobil yo'llarni ta'mirlash xarajatlari	3 000 000
2.4	Suv xo'jaligi vazirligi tashkilotlari	1 010 106
2.5	Veterinariya qo'mitasi	1 536 926
2.6	Mahalliy budjetlarda hokim yordamchilarining tavsiyalari asosida mahalla infratuzilmasini yaxshilash uchun	915 585
<b>3.</b>	<b>DAVLAT BOSHQARUV ORGANLARINI SAQLASH</b>	<b>15 302 052</b>
3.1	Davlat boshqaruv idoralari	15 302 052
<b>4.</b>	<b>FUQAROLARNING O'ZINI O'ZI BOSHQARISH ORGANLARINI SAQLASH</b>	<b>2 526 451</b>
<b>5.</b>	<b>ZAHIRA JAMG'ARMASI</b>	<b>1 555 619</b>
<b>6.</b>	<b>Fuqarolar tashabbusi jamg'armasi</b>	<b>8 021 035</b>

Xalq deputatlari Yangiariq tuman Kengashining  
2023 yil 7 yanvardagi  
VI-85-1-12-179-K/23-son qaroriga  
3-ilova

**Umumdavlat soliqlaridan shahar va tumanlar mahalliy budjetlariga 2023 yilda ajratmalar me'yori**

*Foiz hisobida*

T/R	Shaxar va tumanlar nomi	Yagona soliq to'lovi	Jismoniy shaxslardan olinadigan daromad solig'i	Jismoniy shaxslardan olinadigan daromad solig'i (ITD)	Benzin, dizel yoqilg'isi va gaz realizatsiyasidan soliq (AZS)	Yuridik shaxslarning mol-mulkiga solinadigan soliq	Jismoniy shaxslardan olinadigan mol-mulk solig'i	Yuridik shaxslardan olinadigan yer solig'i	Jismoniy shaxslardan olinadigan yer solig'i	Yer osti boyliklaridan foydalanganlik uchun soliq noruda	Suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno	Davlat aktivlarini foydalanishga (ijaraga) berishdan qonunchilikda belgilangan normativlar bo'yicha olingan daromadlar
1	Yangiariq tumani	100	50	100	100	100	100	100	100	100	100	100

Xalq deputatlari Yangiariq tuman  
Kengashining  
2023 yil 7 yanvardagi  
VI-85-1-12-179-K/23-son qaroriga  
4-ilova

**Yangiariq tuman mahalliy budjetining 2023 yil daromadlari va xarajatlariing chegaraviy hajmi**

**ming soʻmda**

<b>№</b>	<b>Hudud nomi</b>	<b>Daromad</b>	<b>Xarajat</b>
1	Yangiariq tumani	77 389 808,0	165 138 551,0

Xalq deputatlari Yangiariq tuman  
Kengashining  
2023 yil 7 yanvardagi  
VI-85-1-12-179-K/23-son qaroriga  
5-ilova

**Yangiariq tuman mahalliy budjetining 2023 yilgi yuqori budjetdan ajratiladigan tartibga soluvchi budjetlararo transfert miqdori**

**ming so'mda**

<b>№</b>	<b>Shahar va tumanlar</b>	<b>Tartibga soluvchi transfert miqdori</b>
1	Yangiariq tumani	87 748 743,0

Xalq deputatlari Yangiariq tuman  
Kengashining  
2023 yil 7 yanvardagi  
VI-85-1-12-179-K/23-son qaroriga  
6-ilova

**Yangiariq tuman mahalliy budjetida 2023 yilda yo‘l qo‘yiladigan eng kam mablag‘  
miqdori**

**ming so‘mda**

<b>T/r</b>	<b>Hudud nomi</b>	<b>Miqdor</b>
1	Yangiariq tumani	697 000,0

Xalq deputatlari Yangiariq tuman  
Kengashining  
2023 yil 7 yanvardagi  
VI-85-1-12-179-K/23-son qaroriga  
7-ilova

**Xorazm viloyatida 2023 yil uchun Yuridik shaxslarning yer solig'i  
bazaviy stavkalari  
(dehqon xo'jaligini yuritish uchun berilgan qishloq xo'jaligiga mo'ljallagan yerlardan tashqari)  
( 1 gektar yer maydoni uchun mln so'mda)**

<b>T/r</b>	<b>Shahar, tumanlar nomi</b>	<b>Soliq kodeksiga asosan soliq stavkasi mutloq miqdori (SK 429-modda)</b>	<b>Koeffitsient (0,5 dan 2,0 gacha)</b>	<b>2023 yil uchun Yuridik shaxslar yer solig'i stavkasi (1 gektar uchun mln so'mda)</b>
1	Yangiariq tumani	32,0	0,94	30,1

Xalq deputatlari Yangiariq tuman  
Kengashining  
2023 yil 7 yanvardagi  
VI-85-1-12-179-K/23-son qaroriga  
8-ilova

**Xorazm viloyatida 2023 yil uchun Jismoniy shaxslarning yer solig'i  
bazaviy stavkalari  
(dehqon xo'jaligini yuritish uchun berilgan qishloq xo'jaligiga mo'ljallagan yerlardan  
tashqari)  
( 1 kv metr yer maydoni uchun so'mda)**

<b>T/r</b>	<b>Shahar, tumanlar nomi</b>	<b>Soliq kodeksiga asosan soliq stavkasi mutloq miqdori  (SK 437-modda)</b>	<b>Koeffitsient  (0,5 dan 2,0 gacha)</b>	<b>2023 yil uchun Jismoniy shaxslar yer solig'i stavkasi  ( 1 kv metr uchun so'mda)</b>
1	Yangiariq tumani	286,0	0,94	268,8

Xalq deputatlari Yangiariq tuman  
Kengashining  
2023 yil 7 yanvardagi  
VI-85-1-12-179-K/23-son qaroriga  
9-ilova

**Xorazm viloyatida yuridik shaxslarning mol-mulkiga solinadigan soliqli hisoblash maqsadida  
2023 yil uchun belgilangan mulk qiymatining minimal  
MIQDORLARI**

T/R	Shahar, tumanlar nomi	Soliq kodeksiga asosan mulk qiymatining mutlaq miqdori  (SK 412-modda)	Koeffitsient  (1,0 dan 0,5 gacha)	2023 yil uchun Yuridik shaxslar mol- mulkining minimal qiymatlari  (1 kv.metr uchun ming so'mda )
1	Yangiariq tumani	1 000,0	0,80	800,0